

OTVORENO PISMO

INSTITUCIJE BRČKO DISTRIKTA / DIREKCIJA ZA FINACIJE – PORESKA UPRAVA IGNORISALE PREPORUKE REVIZORA, ŠTO JE IMALO ZA POSLEDICU SELEKTIVNU LIKVIDACIJU PRIVREDNIH SUBJEKATA U BRČKOM

Dostaviti :

OHR-u; Upravnom odboru PIC-a; OSC-u; EU delegaciji u BiH i

Elektronskim i štampanim medijima

Predmet: Neprovođenje revizorskih preporuka i selektivna likvidacija
privrednih subjekata

Poštovani,

Dana **26. septembra 2025. godine**, Direkcija za financije Brčko distrikta BiH
izjavila je:

- „Dio preporuka iz ranijih revizorskih izvještaja već je djelomično ili u potpunosti realizovan, dok je za preostale u toku postupak usklađivanja i sprovođenja“.
- „Za implementaciju određenog broja preporuka potrebna je izmjena sistemskih propisa i šira institucionalna saradnja“.

Međutim, prema dostupnim podacima, broj **neriješenih preporuka** doseže **40 pozicija**.

Među njima je i **revizorska preporuka iz izvještaja za period 01.01.2016 – 31.12.2016. godine** (nalaz na str. 17/18):

- „Uzimajući u obzir činjenicu da Brčko distrikt BiH kroz sudske postupke nije uspio dokazati da su to sredstva koja mu pripadaju, zaključujemo da sredstva u iznosu od 33.601.654,27 KM nije moguće naplatiti. Potrebno je evidentirana potraživanja po osnovu pogrešno uplaćenih akciza prilikom uvoza nafte i naftnih derivata isknjižiti iz poslovnih knjiga Poreske uprave, u cilju fer prezentacije ukupnih potraživanja od poreznih obveznika“.

Umjesto sprovođenja ove preporuke, Direkcija za financije i Poreska uprava su:

- pokrenule **stečajne i likvidacione postupke samo protiv privrednih subjekata MACK d.o.o. i CETANEX d.o.o.**,
- dok su **druge firme**, koje su takođe vršile uplate akciza u korist Republike Srpske, bile **pošteđene** istih mjera.

Na ročištu od **10. februara 2020. godine**, stečajni sudija je upitao direktora Poreske uprave:

- „*Pokrenuli ste stečaj za MACK i Cetanex, šta je sa ostalim firmama?*“
Odgovor direktora je glasio:
- „*Ove dvije su najduže izdržale...*“

Ovakav odgovor jasno potvrđuje **selektivni pristup i institucionalni dogovor** da se upravo ova dva subjekta kroz stečaj i likvidaciju uklone s tržišta, iako su oba imala **stabilno i pozitivno poslovanje** do trenutka duple naplate akciza i blokade računa.

Posljedice su bile višestruke:

- privreda Distrikta je izgubila dva stabilna subjekta,
- budžet Distrikta ostao je bez **stalnog prihoda od preko pola milijuna KM mjesečno** (samo od MACK-a),
- narušeno je povjerenje u zakonitost i jednak tretman svih obveznika.

Zaključak:

Institucije Brčko distrikta BiH su, umjesto sprovođenja revizorskih preporuka, namjerno i selektivno sprovele postupke stečaja i likvidacije nad MACK i Cetanex, čime su prekršile načela zakonitosti, ravnopravnosti i zaštite privrednog sistema.

Ovo pitanje zahtijeva hitnu pažnju i reakciju međunarodnih institucija (OHR, Supervizor za Brčko, PIC, OSCE, Delegacija EU) te informisanje javnosti i medija.

S poštovanjem,

Drago Broćilo

Brčko, 30.09.2025.